



**L'horoscope de Jules Mazarin, naïvement & fidèlement  
expliquée des Centuries de M. Nostradamus, tant du passé,  
présent qu'advenir : ensemble des épithètes et thesme céleste  
sur toutes les lettres de son nom et sur-nom : le pourtraict de  
son père.**

<https://hdl.handle.net/1874/363117>

# L'HOROSCOPE DE IVLES MAZARIN,

Naifvement & fidellement expliquée  
des Centuries de M. Nostradamus.  
tant du passé, present qu'aduenir.

*Ensemble des Epithetes & Thesme Celeste sur toutes les Let-  
tres de son Nom & sur-nom.*

LE POVR TRAICT DE SON PERE.



A PARIS;

M. DC. XLIX.

8/14

*Epithetes sur le nom & surnom de Jules Mazarin.*

En ses charges	Incapable.
En ses desportemens	Vilain
En ses gestes	Tascif
En sa condition	Taquais.
Des secrets du Conseil	Insenté.
En ses appetits	Sensuel.
En toutes choses	Malicieux.
Sur les plus grands	Vudacieux.
En bouffonneries	Nany.
Aux gens de merites	Vuare.
Des biens du peuple	Rapineux.
A commander	Inhabile.
En son parler	Zazard.

*Enigmes sur la vie de Jules Mazarin.*





# L'HOROSCOPE

DE

IVLES MAZARIN,

*Extraicte & naïvement expliquée des Centuries  
de M. Nostradamus.*

**V**OY que l'espée n'empesche la lecture des Livres traictans des sciences Astrologiques, l'occurrence du temps present m'a faict venir en memoire d'avoir leu autresfois vn liure imprimé à Lyon, intitulé les Centuries de M. Nostradamus, la curiosité me fit entrer dans mon estude afin d'y parcourir ce liure pour voir si ie n'y trouuerois point quelque chose de remarque qui se peut adopter & approprier aux affaires du temps, lequel ayant attentiuement leu & releu, enfin i'y trouuay deux Centuries principales à ce subject, qui predisent naïvement & entierement l'Horoscope de Iules Mazarin indigne Cardinal, comme pareillement les causes des troubles, dans lesquels la France se trouue maintenant embarassée, non que ie vueille attribuer iceux troubles prouenir de la fatali-

2

ré des Astres, mais seulement de la puissance du Créateur.

L'explication de ces deux Centuries est si claire & si facile, que les moins sçauans n'auront point de peine à les resoudre n'y à les expliquer, neantmoins pour contenter vn chacun, i'en donneray l'explication succincte & abregée telle que s'ensuit.

---

CENTVRIE QVARENTE-DEUX.

*Quant Innocent tiendra le lieu de Pierre,  
Le Nirazam Cicilien (se verra  
En grands honneurs) mais apres il cherra,  
Dans le borbier d'une Ciuille guerre.*

Pour la parfaite intelligence de cette Centurie, il est necessaire d'expliquer chaque vers en son particulier.

*Quant Innocent tiendra le lieu de Pierre,*

Ce premier vers nous signifie le temps present dénotté par le Pontificat du Pape Innocent X. à present seant au Siege Apostolique, duquel S. Pierre a esté le premier.

*Le Nirazam Cicilien.....*

Ce deuxiesme vers nous donne la cognoissance du furnom & du pays du Iules, car tournant à rebours ce mot de Nirazam, vous trouuerez Mazarin sans addition ny diminution d'aucune lettre, Cicilien n'a besoin d'explication, nous apprenant le lieu de sa naissance.

*(se verra*

( se verra  
 En grands honneurs )

Les mots qui sont enclos dans cette parenthese, donnent à cognoistre la puissance qu'il a eüe iusques à present auprès du Roy, de toute la Cour, & pareillement sur tout le Royaume, ayant tout boulleuersé à la faitaisie pour regir tout avec plus d'autorité.

*Mais apres il cherra  
 dans le borbier d'une Ciuille guerre.*

La conclusion de cette Censure nous faict cognoistre sa cheute toute évidente par la guerre qu'il a luy mesme allumée parmy le Peuple François, mais Dieu permettra enfin qu'il demeurera dans le borbier, sans s'en pouoir retirer qu'à la honte & confusion, à la gloire du Roy, à l'honneur du Parlement, & au profit de toute la France.

Voilà donc l'explication entiere de la premiere Censure, reste maintenant à expliquer & resoudre celle d'apres qui commence.

*Lutece en Mars, Senateurs en credit.*

Dautant que plusieurs qui ignorent le Latin ne scauroient qu'entendre par ce mot de Lutece, il est besoin qu'ils sachent que c'est l'ancien nom de Paris, que l'on nomme encore *Lutetia* en Latin, qui signifie lieu borboux, où est scituée cette superbe Cité, où les plus hauts & plus illustres Senateurs, qui sont nos Seigneurs du Parlement, font admirer leur sage conduite en des affaires si pressantes. Ce mot de Mars signifiant les ar-

6

mes que les habitans de Paris ont prises contre le party  
d'un si pernicieux Ministre.

*Par vne nuit Gaule sera troublée.*

Ce fut par vne nuit veritablement que la France a  
esté troublée, puis que celle de la veille des Roys Iules  
Mazarin enleua le Roy hors de son Palais ordinaire,  
sans seulement en donner la cognoissance à ceux qui  
doient estre tousiours auprès de sa personne,

*Du grand Cræsus l'Horoscope predict,  
Par Saturnus sa puissance exillée.*

Il peut à bon droit estre appellé Cræsus, puis que  
par ses violences a extorqué & enuahy toutes les richesses  
du Royaume, en ayant fait à son propre; mais estant  
menassé par Saturne, qui suiuant les Philosophes Ca-  
balistes, suiuant l'Analogie qu'ils font des sept Planet-  
tes aux sept metaux, appellant l'or Soleil, l'argent Lune,  
le cuiure Venus, l'estain Iupiter, le fer Mars, l'argent-  
vif Mercure, & le plomb Saturne, il se verra enfin que  
le plomb pris pour Saturne, poussé par la violence &  
force du feu, rendra sa puissance exillée, chassant au  
loin celuy qui par Arrest du Parlement a esté déclaré  
perturbateur de l'Estat & du repos du peuple, qui ne  
respire qu'à viure paisiblement sous l'authorité du Roy,  
suiuant les Loix diuines & humaines, bannissant de  
cét Estat la cause des maux & des miseres qu'il nous a  
fait souffrir.

Voila l'explication de la dernière Centurie, laquelle  
iointe au sens de la première, vous y trouuerez l'eue-  
nement des affaires de ce temps.

Les Arrests que le premier & le plus auguste Parlement de France vient de decerner contre ledit Mazarin, & les peuples qu'il a ruinez qui marchent tous vnamiment à sa perte, tant de sa vie que de ses biens qui vont estre mis à l'encan, preuent hautement la verité qui est contenuë & cachée agreablement dans ce peu que vous pouuez lire. Cependant il faut que l'on aduoüe qu'il n'y eut iamais de verité qui fut plus funeste à ce Royaume; & il est tres-certain que sa vie est en danger evident, puis qu'il n'y a aucun lieu sur la terre où il puisse trouuer quelque retraite. Si les hommes ne se vangent pas de ses violences, il faut croire que Dieu se seruira des demons pour en estre les bourreaux. Les enfans dans le berceau, demandent au Ciel qu'il vange leur innocence que cet oppresseur, comme vn nouuel Herode, veut exposer à toutes sortes de barbaries. Pour moy i'ay tousiours creu que ce perfide n'auoit rien de l'humain que l'apparence, & que c'est vn loup deuorant couuert de la peau d'vne brebis, mais ie croy que ce loup tombera à la fin en la puissance de tous les honnestes gens qui n'épargneront point cet infame. Toutes les influences, & toutes les apparences humaines nous font esperer vne meilleur conioncture d'affaires par le changement qui doit arriuer en peu de iours, Ce sont les vœux continuels que l'on fait sans cesse à Dieu, & ie pense qu'il les exaura, Cette priere est trop iuste pour n'estre pas escouté du Ciel, de qui nous attendons des prosperitez que nous auons perdues en la mort de nostre dernier Monarque, dont la pieté reuit en son successeur. Nous en auons des apparances, & tout le monde fait



des prieres à Dieu afin qu'il le conferue. Ce ieune Prince  
 sera vn modèle de vertus pour tous les autres, &  
 Dieu benira sa pieté, qui sera l'exemple qu'il faudra  
 suiure pour bien faire, il ternira la gloire des Heros que  
 les Histoires nous vantent, & c'est que nous vous pro-  
 mettons avec iuste raison par toutes les marques qu'il  
 nous donne de mille belle qualitez qu'il possede.

Addition des quatre vers de la Centurie  
 43. cy-dessus expliquée.

*Lutece en Mars, Senateurs en credit,  
 Par vne nuit Gaule sera troublée,  
 Du grand Cræsus l'Horoscope predict,  
 Par Saturnus, sa puissance exillée.*

